

國方志叢書·華中地方·第八三四號

據

清·藍煦等修，曹徵甲等纂
清同治十年刊本

影印

江 西 省

星子縣志

(四)

成文出版社有限公司印行

星子縣志卷之十

人物志上

理學

名臣

宦業

儒林

文苑

忠節

孝友

義行

隱逸

方技

流寓

殉難附

山水鍾靈俊乂接軫出樹勳名處辭徵引冰雪其操圭璋其
品性理獨精彝倫必盡才足茹涵義能施賑授命疆場全真
閨閫型著邦家譽流遠近青簡留傳千秋弗泯志人物

理學

晉陶潛字淵明一字元亮曾祖侃晉大司馬潛少有高趣博學
善屬文著五柳先生傳以自況閑靜少言不慕榮利義熙三

年起爲彭澤令會郡遣督郵至縣吏請束帶見之歎曰我豈
能爲五斗米折腰向鄉里小兒卽日解綬去賦歸去來辭徵
著作郎不就歸隱廬山栗里自以祖侃晉世宰輔恥屈身異
代自劉裕篡立不應徵聘年六十三卒號靖節先生所著有
靖節集今祀鄉賢

唐顏翊真卿之後少孤篤志先業善詞翰謹禮法率子弟三十
餘人皆受經白鹿洞三十餘年進修不輟今祀鹿洞先賢祠
宋劉渙字凝之其先筠州人登進士官潁上令高節不能容於

世年四十掛冠遷居星子隱廬山歐陽修賦廬山高以贈之
後與陳舜俞乘黃犢往來山中李公麟嘗爲繪圖有詩記詠
尤愛寶峰西澗山僧結茅以待之遂號西澗居士後朱文公
卽其地創清淨退庵又創壯節亭於墓以表之今祀鄉賢祠
劉恕字道源渙子年十八赴禮部有詔能講經義者聽別奏名
應詔者數十人問恕春秋禮記大義對凡二十擢第一調鉅
鹿簿遷和州令司馬光修資治通鑑薦恕與修史事王安石
引爲三司條例固辭不就因言曰天子屬公以政事宜恢張

堯舜之道以性明至竟以不附新法相忤乞監南康軍酒稅
以就養後改秘書丞年四十七卒所著有十國紀通鑑外紀
等書今祀鄉賢祠

胡栢字貢仲因避諱改名泳從朱晦菴講學白鹿洞號洞源先
生嘗衍說四子羽翼聖經編次喪禮各立門目學者咸尊之
登隆興進士授朝散郎任峽州太守遷太師秘書丞居星子
八都金山下徙建昌八載仍還故里與黃幹等十四人從祀
白鹿洞朱子祠今瞻雲寺西雲嶺有先生墓

國朝准免嫡裔
差徭碑立高山村

商伯星子人都昌籍幼穎悟書史過目不忘登隆興進士累調隆興府教授朱子守南康時執弟子禮以不敢輕爲人師爲問朱子曰以所知者語人可也累官至廣西運判旣歸築堂縣西人稱曰西坡先生舊與士友講學有疑義則持書求正於朱子往來廬山泉石間觴咏自適時朱子歿黨禁方嚴計至單車往臨不少憚卒謚文懿著西坡集四十卷祀

宗儒祠

國朝恩在黃巖後裔承祀生優免雜派差徭康熙間已勒石豎立黃巖嗣孫錢家湖街店門首

明熊儉字敬吾爲諸生時卽棄舉子業潛心性理授徒白鹿洞

初與布衣章濂齊名於國濂近遷得陽明旨徒步往南昌
與諸移時得同母所著有易經翼旨熊子庸言羅氏一貫編
匡樵野咏諸書宋髻山論明代理學以儻爲第一崇祀白鹿
洞先賢祠卒葬七都大屋嶺袁宅石

宋之盛字未有崇禎己卯鄉薦國變後改名佚又名惕字未知
居鄉里不入城市以講學爲己任其學以明道爲宗以識仁
爲要於二氏微言奧旨隨手箋訂以摘異同非如世之闢異
端者舍其精而攻其牾也與盱江謝文海爲最契晚讀胡敬

齋居業錄持敬工夫益密少孤事兩兄如父戊申五月以疾
終所著有求仁篇乙巳歲餘錄丙午山間語錄程山間雜語
南所見錄喪禮訂誤髻山語錄太極歸心圖說大學詩讀書
世稱白石先生門人私誄曰文貞與同里吳一聖亦暉查世
疎查韓夏偉門人周祥發講學髻山世稱髻山七隱

本謝程

名臣

明龍川登嘉靖癸丑進士由刑部主事任漕濮兵備道

開濟漢臣功
賜食二品俸
臥疾陞河南布政司

國朝乾隆間

聖駕南巡由運河至金陵舟行安穩顧問侍臣曰此河係何人開侍

臣李鳳翥以瀾對

帝曰功在勝國澤及本朝深嘉美之居官仁厚有威任山東按察時
倭寇不敢犯境鳳翥建昌人

陶尚德字祖容號劍峰栗里人靖節後裔也正德中爲諸生時
會宸濠之變守令學博皆棄城走公倡於眾曰先聖宮殿邊

豆樂器在焉宜死守濠去澤官無恙嘉靖壬午年領鄉薦丙
戌成進士三年改雲南御史有大禮防邊漕糧茶稅諸疏至
今觀之爲都御史協吏部考察晉左司空董築外羅城修十
王府陞刑部尙書加太子太保一品俸賜玉歸田杜門著賓
禮堂稿陽波亭集穆宗御極特賜羊酒彩幣存問卒賜諭葬

鄭賈

宦業

宋賈興一名選字公順博學敦行大中祥符間登進士兩爲節

皮推官王仲良一爲郡守後典新黃二州俱有政蹟官至

太子賓客

陳稔字廣和準之子

見陳嘉傳

任江夏令築堤捍水民德之調善化

任豫章縣將築州城終池州倅今祀鄉賢

陳稔字廣和準之子西鄉薦登丙戌進士任開化令臨政之時
連年饑荒發粟賑貸招撫流移常以六事相責後果屢獲豐
年民皆樂業當時咸以賢令頌之

陳泰號遯齋太祖起兵召之與王偉同赴建康咨以時事泰

應對如流議論精確太祖說之甚見寵任後屢參機務從征
有功授爲總制司馬陳情致仕家居數年卒

余積升字文秩幼穎悟通經史百家虞文靖公每稱其文洪武
初以賢良薦授濟南章邱丞總芻粟給大軍民不勞而事集
累官至德州知州

唐棣字悅學洪武中鄉試選入內閣修永樂大典任刑部主事
寔心公恕讞獄明允爲時所重

唐棣字悅學洪武中鄉試選入內閣修永樂大典任刑部主事
寔心公恕讞獄明允爲時所重

知縣楊德輝領險峻行者艱阻乃募民疏鑿通道至今便之
後故杜碑於家

黃縣學叔經承樂間由舉人任餘姚知縣政尙簡易務修學校
有健訟者遣入社學久之化爲善士以母喪歸民計服闋
光緒間請復知餘姚六載考績民脫履留之未至京卒

黃縣學由鄉舉任監利縣值大水至城野俱沒遂大修諸堤計
地任功費不繁而役不困明年夏鼃淵堤將陷豫與民約曰
倘不幸堤陷或死或徙者將不可勝數民素樂爲用卽日城

野負畚鍤者萬餘人不期而集須臾堤完復爲月堤以障之
性勤儉常衣一布袍夜分乃寐會澤中有盜千人知難於勦
扁舟入其壘諭以禍福賊遂散去

湖廣名宦志

陶偉字德溫仕吏科給事中遇事敢言不避權勢陞福建按察
僉事按治郡邑吏畏民懷

朱讓字克遜景泰間由舉人授御史遇事敢言不畏權勢出按
廣東肅振百僚尋陞大理知府多惠政以疾辭歸卒於家

蔡澍號玉峽由選貢任端州別駕賢聲播於粵東士民崇祀名

官事轉湖廣楚府審理正未就德劭端方三赴鄉飲巡方使者允與請祠祀鄉賢贈額曰五柳高風

曹瀾字惘源由明經任江南蕪湖縣令兼理關課清廉明決御史李三才贈額曰惠溥江關致仕時士民爲立去思碑

但啟元以舉人知香山縣事多惠政時鹽地日削竈丁逃亡者多額仍舊版至有一人而兼數丁者卽徙之他業仍責其負啟元憫之會清審鹽場丁口數爲力請得除竈費民慶更生

廣東名宦志

國朝千建邦字叔掌康熙庚辰進士宰舞陽時值大澇甬下車
惻然不待詳允先發倉粟民賴以活復舞泉書院置田聚書
豫有蝗獨不入舞陽境上官異之以外艱去民懷德立祠先
是需次家居當事聘主鹿洞父子繼居講席著有鹿洞續言
及湖山堂集行世

本鹿洞志

胡南藩字楚雄號植堂世居長岡塋生而英敏尤有卓爾不羣
之概好讀書博覽墳典十三入學十五補廩雍正癸卯舉於
鄉甲辰聯捷進士選授山西臨晉縣知縣未幾調四川彭縣

遷任廣西永利州旋擢潯州府其在潯也修城修志興利除
害之政靡不具舉雖有時勞於民而民忘其勞去任後郡人
猶思慕不忘焉著有五峰書屋文稿松桹詩鈔禮部尙書曹
秀先爲之序其子孫有由吳鎮徙居四川成都者今其五世
孫海章係同治甲子舉人

干運恒字久中乾隆丁卯鄉試與姪從濂同領鄉薦壬申成進
士授四川榮經知縣清慎恤民會金川滋事大兵進勦沿途
滾送軍米原檄榮經兩日三送役限六月一更恒緩三爲兩